



論語集覽

服部文庫  
イ17  
247  
6





117  
247  
6



論語徵集覽卷之六

論語徵集覽

魏

何晏

集解

宋

朱熹

集註

大日本

藤維楨古義

從四位侍從源賴寬輯

雍也第六

凡二十八章篇內第十章以前大意與前篇同

子曰雍也可使南面仲弓問子桑柘子曰可也簡  
仲弓曰居敬而行簡以臨其民不亦君子居簡而



簡無乃大簡乎子曰雍之言然

古包氏曰可使南面者言任諸侯治王肅曰伯子  
書傳無見焉孔安國曰以其能簡故曰可也孔安  
國曰居身敬肅臨下寬略則

可包氏曰伯子之簡大簡  
新南面者人君聽治之位言仲弓寬洪簡重有人  
君之度也子桑伯子魯人胡氏以為疑即莊周所  
稱子桑戶者是也仲弓以夫子許己南面故問伯  
子如何可者僅可而有所未盡之辭簡者不煩之  
謂言自處以敬則中有主而自治嚴如是而行簡  
以臨民則事不煩而民不擾所以為可若先自處  
以大簡則中無主而自治踈矣而所行又簡豈不  
而處夫子譏其欲同人道於牛馬然則伯子蓋大  
簡者而仲弓疑夫夫之過許與仲弓蓋未喻夫夫  
可字之程子曰子桑伯子之簡雖可取而未盡善故  
夫子云可也仲弓因言內主於敬而簡則為要直  
內存乎簡而簡則為踈略可謂得其旨矣又曰居

敬則心中無故所行自簡居簡則先  
有心於簡而多一簡字矣故曰大簡  
古義南面者臨民之稱言仲弓之德敬慎而不煩  
可以使人蓋有德而略於事者也可也者許之辭  
見其可使人蓋有德而略於事者也可也者許之辭  
詳何人蓋有德而略於事者也可也者許之辭  
簡約也簡則得要此夫子所以可之也臨民之  
居之以敬則事享故民不慢行之以簡則得安故  
政易行所以為可也若夫居之既簡而所行亦簡  
則上下交慢事無統紀豈不失之大簡乎故夫子  
以仲弓之言為然也居人之上者眾之所倚賴故  
為要故居敬而行簡則民有所  
效而政得其要夫子許之宜矣

徵雍也可使南面包咸曰言任諸侯治家語以顏  
子為王者相仲弓為有土之君子包註蓋本諸朱

註寬洪簡重有人君之度也本文止言可使南面



又家語同上

故朱子亦止謂有人君之度而不取家語包註然  
 古所謂君者皆諸侯之稱儀禮諸書皆爾仲弓德  
 亞顏子則家語包咸為允又家語曰在貧如客使  
 其臣如借不遷怒不深怨不錄舊罪是冉雍之行  
 也朱註不取而別創寬洪簡重四字是睹下居敬  
 行簡而以己意言之可謂無據已在貧如客使其  
 臣如借皆清高貴人之態千載之下可想其人真  
 畫筆哉不遷怒不深怨不錄舊罪最足為諸侯美  
 德然其材可為諸侯而不可為大夫故孔子以可  
 使南面稱之

可也簡孔安國曰以其能簡故曰可也古註不失  
 古義如此此冒上章仲弓以為伯子亦足使南面  
 孔子然之故曰可也而又曰其所以可使南面者  
 以其能簡也可也一句簡一句不爾不成語朱註  
 可者僅可而有所未盡之辭簡者不煩之謂而仲  
 弓未喻夫子可字之意是其意如謂夫子雖許之  
 尚慮其失於簡故曰可也簡是大失孔子之意蓋  
 萬世人君必論愚騷其聰慧皆失於苛細故書曰  
 元首叢脞哉此孔子所以簡取伯子也聖人不沒  
 人善其取人也不求備於一人可以見之且所謂

書益稷

見壽問

集賢堂



禮記雜記曰管仲遇盜取二人曰其所與遊辟也可人也

僅可而有所未盡之辭。未知何據。可。即可使古面之可。有何差別。管仲曰。可人也。豈有僅可意哉。是無宅。宋儒不知聖人取人不求備之義。忽見仲弓之問。亦疑夫子過許。故妄意穿鑿。欲就可字見聖人無過許之意耳。居敬而行簡。孔安國曰。居身敬肅。臨下寬略則可。古註可謂盡矣。程子曰。內主於敬而簡。則為要直。內存乎簡而簡。則為踈略。有簡而不要者乎。伯子之簡。見取於聖人。亦以不失要也。且居字主身。而程子曰。內者心也。故又曰。居敬則心中無物。故所行自簡。居簡則先有心

於簡而多一簡字。夫敬之本。本諸敬天。而程子求諸心。豈古學哉。敬固在心。然必有所敬而後有敬之名。不然而求諸心。吾恐亦多一敬字。且敬則心無邪慝可也。所謂心中無物。非達磨而何。且伯子之居簡。謂其持身之簡。乃其為人然爾。豈先有心於簡乎。仁齋先生又以敬為敬事。此其執拗。不忍改其前言也。如居處恭。及齋明盛服。非禮不動。即所謂居敬也。豈得為敬事乎。行簡雖事乎。亦屬諸身之詞。以臨其民。如聰明睿知。以有臨之。臨皆以其身言之。非施於政事者矣。

居處恭子路篇齋明盛服中庸

聰明睿知中庸



哀公問弟子孰為好學孔子對曰有顏回者好學也  
 遷怒不貳過不幸短命死矣今也則亡未聞好學者  
 也

復也 凡人任情喜怒違理顏回任道怒不過分遷者  
 移也怒當其理不移易也不貳過者有不善未嘗  
 復也 遷移也貳復也怒於甲者不移於乙過於前者  
 不復於後顏子克己之功至於如此可謂真好學  
 矣短命者顏子三十二而卒也既云今也則亡又  
 言未聞好學者蓋深惜之又以見真好學者之難  
 得也程子曰顏子之怒在物不在己故不遷有  
 不善未嘗不知知之未嘗復行不貳過也又曰喜  
 怒在事則理之當喜怒怒者也不在血氣則不遷若  
 姦之誅凶之可怒在彼己何與焉如鑑之照物  
 地位豈有在彼隨物應之而已何遷之有又曰顏子  
 地

便使能知之纔知之便更不萌作張子曰懶於已  
 不使萌於再或曰詩書六藝七十子非不習而通  
 也而夫子獨稱顏子為好學顏子之所好果何學  
 歟程子曰學以至乎聖人之道也學之道奈何曰  
 天地儲精得五行之秀者為人其本也真而靜其  
 未發也五性具焉曰仁義禮智信形既生矣外物  
 觸其形而動於中矣其中動而七情出焉曰喜怒哀  
 哀懼愛惡欲情既熾而益蕩其性而然矣然必先明  
 其情使合於中正其心養其性而已然必非禮勿  
 心知所往然後力行以求至焉若顏子之非禮勿  
 視聽言動不遷怒貳過者則其好之篤而學之得  
 其道也然其未至於聖人者守之也非化之也假  
 之以年則不日而化矣今人乃謂聖本生知非學  
 可至而所以為學者不過記誦文辭之間其亦異  
 乎顏子之學矣  
 古義 遷移也言其心寬平故當怒而怒亦不移於  
 他貳字書訓副訓重皆為益物之義其智明睿  
 故一改之則不復行也此足見顏子好學之篤  
 短命者顏子之不幸也



來聞他為真好學者重惜之也此言明君子中  
 顏子為能好學而舉其行也實也可見其  
 以德行爲學而與他人用力於文學者自異也  
 是在顏子則爲細事其心三月不違仁則不遷怒  
 不足云得一善拳拳服膺則不貳過亦不足論夫  
 子爲對哀公故略舉其微善而告之本非顏子之  
 極致也論曰程子曰顏子之怒在物而不在己故  
 不遷又曰若舜之誅四凶怒在四凶舜何與焉蓋  
 因是人有可怒之事所以論聖人之心本無怒也其  
 說流于虛無而非所以論聖人之心也夫喜怒者  
 人心之用也雖聖人亦無以異於人也唯衆人之  
 喜怒誘於一己之私而作聖人之喜怒乃由仁義  
 而發非在己在物之謂也四凶之在朝妨賢亂民  
 常人所怒聖人殊甚故雖誅之猶當有餘怒此其  
 所以爲聖人也蓋其愛人也深故其惡之也亦益  
 甚豈可謂在物而不在己乎哉且喜之遷與怒之  
 遷等耳夫子何以偏曰不遷怒耶蓋怒者道德而  
 易遷而顏子不然夫子之所以稱之也可見正心  
 人之說非聖人之意而聖人之教專以仁爲宗也

易下繫辭

子曰公冶長篇

**不遷怒何晏曰怒當其理不移易也非矣朱註**  
 盡之不貳過貳重也如貳膳之貳過而不改又從  
 而文之是謂重過何晏引易大傳有不善未嘗不  
 知知之未嘗復行朱註因之而貳訓復失字義不  
 可從矣不重過如淺易大傳如深故後儒務欲深  
 之然大傳所言亦不重過之事初非二矣子曰已  
 矣乎吾未見能見其過而內自訟者也豈易事哉  
 且過也者聖人猶有之故君子不貴無過而改之  
 爲貴焉哀公以好學問而孔子對以此者學以成  
 德成德之至和順積中故不遷怒清明在躬故



家語已見

貳過不遷怒者。居仁也。不貳過者。遷義也。居仁遷義。日新不已。孔子所以稱之也。此曰今也。則亡而家語稱不遷怒不深怒不錄舊罪者。冉雍之行也。是兼伯夷顏淵之行。亦可以見仲弓後來進德之盛。鄰於顏子矣。祇不貳過一事。仲弓終身不能而顏子既先能之。孔子所以重惜之也。程子曰。顏子之怒。在物不在己。又曰。若舜之誅四凶也。可怒在彼。己何與焉。殊不知聖人善用其怒。不可謂無怒焉。顏子善懲怒。不可謂不在己焉。仁齋先生譏之。是矣。然其言曰。四凶之在朝。妨賢蠹民。常人尚怒。

子曰泰伯篇

聖人殊甚。故雖誅之。猶當有餘怒。此其所以為聖人也。蓋其愛人也深。故其惡之也亦益甚。果其言之是邪。舜不及顏子遠甚。孔子何以稱不遷怒。且子曰。人而不仁。疾之已甚。亂也。此舜亦亂而已。亦蓋替諸經。大象曰。山下有澤。損。君子以懲忿窒慾。人之情。喜怒哀樂。愛惡欲。雖皆為心之用。而不可均視。並用焉。詩曰。豈弟君子。中庸曰。寬柔以教。不報無道。故君子者。慈愛樂易。是其常。而唯怒為君子之所重戒也。常人亦爾。雖聖人亦爾。不求諸經。而斷諸程朱仁齋昏失之矣。於是為哭對。

豈弟君子見詩  
詞酌卷阿諸篇

子  
子伯備

子伯備

子伯備

子伯備



鑑空衡平大全  
黃勉齋說程子  
義

三月不違仁本  
篇

歌此聖人有餘哀也。有餘哀而無餘怒。馬七情也。不可均視也。程子槩言約其情者。流於老佛也。世人或謂事當怒則怒。殊不知聖人君子。於事之當怒者。猶且不怒也。何也。怒之當懲。而君子樂易其常也。故顏子不遷怒。不以和順積中為說。而以鑑空衡平約情合中為說者。皆不知道者之言也。仁齋先生又曰。是在顏子則為細事。其心三月不違仁。則不遷怒不足云。得一善拳拳服膺。則不貳過不足論。夫子為對哀公。故略舉其微善而告之。本非顏子之極致也。殊不知三月不違仁。乃非顏子

拳拳服膺中庸

之事。而拳拳服膺者。學問中語也。豈哀公所與知乎。故止以此告之耳。然不遷怒。不貳過。豈得為微善。渠為宋儒盛拈。故特為此執拗之言夫。

子華使於齊。冉子為其母請粟。子曰與之釜。請益曰與之庾。冉子與之粟。五秉子曰赤之適齊也。乘肥馬衣輕裘。吾聞之也。君子周急不繼富。原思為之宰。與之粟。九百辭子曰毋以與爾鄰里鄉黨乎。

**古**馬融曰子華弟子公西華赤之字六斗四升曰釜包氏曰十六斗曰庾為融曰十六斛曰秉五秉合為八十斛鄭玄曰非冉有與之太多包氏曰弟子原憲思字也孔子為魯司寇以原憲為家邑宰法安國曰九百九斗辭讓不受孔安國曰法所得當受無讓鄭玄曰五家為鄰五鄰為里



二千五百家黨  
 鄉五百家黨  
 新子華公西赤也使為孔子使也蓋六斗四升庚  
 十六斗乘十六斛乘肥馬衣輕裘言其富也急窮  
 迫也周者補不足繼者續有餘原思孔子弟子名  
 憲孔子為魯司寇時以思為宰粟宰之祿也九百  
 不言其量不可考母禁止辭五家為鄰二十五家  
 為里萬二千五百家為鄉五百家為黨言常祿不  
 當辭有餘自可推之以周貧乏蓋鄰里鄉黨有相  
 周之義○程子曰夫子之使子華子華之為夫子  
 使義也而冉有乃為之請聖人寬容不欲直拒人  
 故與之少所以示不當與也請益而與之亦少所  
 以示不當益也求未達而自與之多則已過矣故  
 夫子非之蓋赤苟至乏則夫子必自周之不過請  
 矣原思為宰則有常祿思辭其多故又教以分諸  
 鄰里之貧者蓋亦莫非義也張子曰於斯二者可  
 見聖人之  
 用財矣  
 古義子華公西赤也使為孔子使也蓋六斗四升  
 十六斗曰庚十庚曰秉肥馬輕裘言其富也蓋窮

迫也周者補不足繼者續有餘原思孔子弟子名  
 憲孔子為魯司寇時以思為宰九百不言其量或  
 曰九百斗毋禁止辭五家為鄰二十五家為里萬  
 二千五百家為鄉五百家為黨言常祿不當辭有  
 餘自可推之以周濟鄰里鄉黨貧乏者也此門人  
 併記二子之事以見聖人之妙用雖一取予間自  
 有道存也夫子華家富而為夫子使固其分也冉  
 子不達其義乃私與之粟故夫子告之以君子有  
 周急之道而無繼富之義至於原思辭宰祿又告  
 之以常祿不可辭有餘則可以與鄰里鄉黨蓋請  
 者而不與辭者而與之其一與一否皆靡非道也  
 聖人之於物有時措之宜而無一定之法於是而  
 可見矣  
 徵子華非工作度日之人矣雖出使而毋豈乏粟  
 邪出使它邦所費必多冉求請粟實為子華足所  
 費而以母為辭也正義曰六斗四升曰金者昭



年左傳晏子曰齊舊四量豆區釜鍾四升爲豆各  
自其四以登于釜杜註云四豆爲區區十六升四  
區爲釜釜六斗四升是也案聘禮記云十斗曰斛  
十六斗曰簋十簋曰秉鄭註云秉十六斛今江淮  
之間量名有爲簋者今文簋爲逾是庾逾簋其數  
同今按嘉量方徑一尺深一尺容一釜周一尺爲  
今七寸一分九釐六毫三絲夏商周尺皆同今尺  
則唐尺後世以三代異尺唐則商尺者非矣余別  
有考以今求周自相乘得五一七八六七三三六  
九又以深乘之得三七二六七二八七一六五三

三四七是爲一釜之積六十四歸之得五八三三  
零一三六一九五八三不盡是一升之積也今  
日本之升方四寸九分自乘得二四零一以深二  
寸七分乘之得六四八二七以日本之升除周  
升爲八勺九撮八二三八九四六六七不盡則釜  
爲五升七合五勺弱庾爲一斗四升三合七勺微  
強丹子以爲少也可知矣五秉爲七石一斗八升  
五合九勺有奇乃五馬所飲爲近於人情矣九百  
孔安國以爲九百斗爲日本之八石零八升通  
一歲爲九十石蓋中士之祿也繼者繼絕也富

以爲  
不附  
大  
小  
十



予欲無言陽貨  
篇不憤不啓述而  
賢者識其大者  
子張篇  
大德不踰閑同  
不假蓋家語致  
思篇

而曰繼及言以形其非也。毋字句絕古註以來皆  
然。誓諸書。大禹謨曰。帝曰。毋。惟汝諧。是其例也。此  
章之義。自今人觀之。孔子師也。冉子門人也。孔子  
何故不直斥其非也。蓋學之道。使人自喻。而不必  
一一明言。一也。故曰。予欲無言。曰。不憤不啓。不悱  
不發。曰。默而識之。學之道。主其大者。而小者不必  
拘。二也。故曰。賢者識其大者。不賢者識其小者。曰  
大德不踰閑。小德出入可也。君子不欲傷人之意。  
三也。故孔子行遇雨。不假蓋於子夏氏。後世諸儒  
不識是意。且冉子與粟五秉。由今人觀之。孔子為

子張篇  
大德不踰閑同  
不假蓋家語致  
思篇

魯司寇。而其門人猶不用其命。豈有是事乎。然論  
語所載。豈妄哉。大氏商鞅以後。天下皆法家。程朱  
以後。天下皆理學。豈足知君子愷悌之德哉。

子謂仲弓曰。犁牛之子騂且角。雖欲勿用。山川其舍  
諸。

騂。雜文。騂。赤也。角者。角。周正中。犧牲。雖欲以其  
所生。犁而不用。山川寧肯舍之乎。言父雖不善。不  
害於子之美。

新。犁。雜文。騂。赤也。周人尚赤。牲用騂。角。周正中  
犧牲也。用用以祭也。山川之神也。言人雖不  
用。神必不舍也。仲弓父賤而行惡。故夫子以此譬  
之。言父之惡不能廢其子之善。如仲弓之賢。自當  
見用於世也。然此論仲弓云。爾非與。仲弓言也。  
范氏曰。以替。為。而。有。舜。以。經。為。父。而。有。禹。古



左傳僖十九年  
宋公使邾文公  
于次睢  
之用鄆子  
之社

之聖賢不繫也。類尚矣。子能改  
父之過，變惡以為美，則可謂孝矣。  
**古義**：犂，雜文，駢赤色。周人尚赤，牲用駢角。周正  
中犧，牲也。朱氏曰：用，用以祭也。山川山川之神也。  
言人雖不用，然神必不舍也。仲弓父賤而行惡，故  
夫子以此譬之，言不可以父之惡廢其子之善。如  
仲弓之賢，自當見用於世也。此夫子論仲弓之賢  
而言父之惡，無害於其子之賢也。范氏曰：以瞽叟  
為父，而有舜，以鯀為父，而有禹，古之聖賢不係於  
世類尚矣。子能改父之過，變惡以為美，則可謂孝  
矣。○夫子嘗見互鄉之童，又取犂牛之醜，而棄其子  
俗之惡，而捨其人之材，不以其父之醜而棄其子  
此之美實天地之心也。門人記  
**徵**：犂牛，章舊註盡之矣。但左傳宋公用鄆子於社  
是古曰用者，謂以為牲也。山川不舍者，譬天不舍  
也。朱註自當見用於世也。夫子之意，乃謂天也。雖

欲勿用者人也。故知天不舍也。

子曰：回也其心三月不違仁，其餘則日月至焉而已矣。

**古**：餘人暫有，至仁時  
唯回移時而不變  
**新**：三月言其久，仁者心之德，心不違仁者，無私欲  
而有三其德也。日月至焉者，或日一至焉，或月一至  
焉，能造其域而不能久也。○程子曰：三月，天道小  
變之節，言其久而不能過此則聖人矣。不違仁，只是無  
纖毫私欲，少有一間者，也。若聖人則渾然無間斷矣。張  
聖人未達，一問者，也。若聖人則渾然無間斷矣。張  
子曰：始學之要，當知三月不違，與日月至焉，內外  
賓主之辨，使心意勉勉循循而不能已，過此幾非  
者在我。

**古義**：三月言其久也。其餘蓋指文學政事之類，而  
言猶其餘不觀也。已之意，日月至者，謂以日月



中庸

卷之十一

十一

台至也。此美也。唯顏子之心自能合於仁也。言為仁天  
 下之至也。難也。唯顏子之心自能合於仁也。言為仁天  
 之。亦不自違。若其他。文。學。政。事。之。類。彼。雖。不。用  
 力。以。自。月。自。至。焉。而。已。矣。豈。不。賢。哉。當。時。賢。士。大  
 夫。論。曰。人。之。道。無。許。其。仁。者。而。獨。美。顏。子。如。此。大  
 哉。論。曰。人。之。道。無。許。其。仁。者。而。獨。美。顏。子。如。此。大  
 人。使。以。天。下。萬。心。以。禮。存。心。其。資。之。美。者。心。與。不  
 違。如。顏。子。其。心。夫。子。從。心。所。欲。不。踰。矩。是。也。心  
 道。之。微。曰。仁。安。於。暴。棄。不。肯。由。焉。而。行。之。在。我。而。不。假。外  
 求。也。及。至。後。世。苟。如。其。道。過。高。乃。謂。心。之。於。仁。也。猶。明  
 鏡。之。有。光。也。苟。如。其。道。過。高。乃。謂。心。之。於。仁。也。猶。明  
 合。之。可。驗。夫。子。之。稱。顏。子。何。以。不。曰。其。心。三。月。不  
 昧。而。稱。三。月。不。違。仁。耶。蓋。嘗。譬。之。心。猶。薪。也。三。月。不  
 火。也。薪。得。火。而。成。其。用。火。因。薪。而。見。其。德。然。薪。有  
 能。燃。者。有。濕。而。難。燃。者。而。天。下。之。薪。無。有。不。燃。者。  
 此。其。性。之。善。是。也。故。顏。子。三。月。不。違。仁。燥。則。一。也。孟  
 子。之。言。性。善。是。也。故。顏。子。三。月。不。違。仁。燥。則。一。也。孟

非將仁而為

知至大學

依於仁述而篇

知至大學

者也。世之頑冥不仁者。濕而難燃者也。由是  
 辨之。則仁也。心也。性也。其別分明。不待辨矣。  
**徵**不違仁者。依於仁也。依與違反。故有依違之言。  
 仁一德也。先王之道。所為德者眾焉。仁何以盡乎  
 德。然先王之道。安民之道也。安民之德。謂之仁。它  
 德雖眾乎。皆所以輔仁而成之也。故孔子以依於  
 仁教之。謂其心苟能依於仁。則其它眾德皆自然  
 來集矣。回也。如賜也。呼顏子告之也。三月者。假設  
 而言其久也。日月至焉而已者。謂日日而至。月月  
 而至也。至云者。如知至之至也。何註。以此章為顏  
 子之事。以其為餘人。泥三月而不知假設而言。



或至大學

附錄二

子夏道戰之說  
韓非子  
莊子太宗師

我欲仁述而篇

其久也。宋註因此語意殊不倫。仁齋先生引其餘不足觀也。而辨其誤可謂特見。但猶以為顏子之事而不知孔子泛言依於仁之益。呼顏子以語之。故曰其心曰而已矣。皆未穩矣。且文學政事。豈容言至乎。且如孔子之意。則文學政事皆依於仁。豈容拊而二之乎。張子內外賓主之辨。本於孟子。雜以子夏道戰之說。要之莊子所謂嗜欲深者天機淺。此其學所淵源已。段使嗜欲淨盡。苟不有仁德。亦達磨已。且三月不違仁。是學之方。未可謂之仁人也。且仁豈有域乎。如我欲仁。斯仁至矣。皆謂自

居仁孟子離婁篇  
安宅公孫丑篇  
仁人心告子篇

彼來至也。非我往至彼也。又按論語。唯此章以心言之。聖門唯仁為心法。一言一動。一事一物。皆欲與先王安民之德相應。是所謂依於仁也。不違仁也。它如居仁。亦居心於仁也。故又曰安宅。又曰仁人心也。後儒不識此義。而曰仁者心之德。其不流於老佛者幾希。  
季康子問仲由可使從政也。與子曰由也果於從政乎。何有曰賜也可使從政也。與曰賜也達於從政乎。何有曰求也可使從政也。與曰求也藝於從政乎。何有。



疎通知遠禮記經解

包氏曰果謂果敢決斷孔安國曰達謂通於物理孔安國曰藝謂多才藝

○程子曰李康子問三子之才可以從政乎夫子

答以各有所長非惟三子人各有

有所長能取其長皆可用也

**古義**從政謂為大夫果有決斷也達謂穎悟通達

藝謂多才能此言從政各有其才而不可以一節

限也蓋果則能斷疑定事達則能理繁治劇藝則

能隨機應變故皆可以從政○程子曰李康子問

三子之才可以從政乎夫子答以各有所長

非唯三子人各有所長取其長皆可用也

**徵**賜也達孔安國曰謂通於物理朱子曰通事理

蓋通於國體人情莫有滯礙如所謂疎通知遠書

教也是達已若徒從事宋儒窮理之學而以通事

理見稱授之以政難矣夫

季氏使閔子騫為費宰閔子騫曰善為我辭焉如有

復我者則吾必在汶上矣

孔安國曰費季氏邑季氏不臣而其邑宰數畔

聞子騫賢故欲用之孔安國曰不欲為季氏宰託

使者重來召我我辭焉說令不復召我孔安國曰復我

者重來召我我辭焉說令不復召我孔安國曰復我

南魯北境上閔子騫不欲臣季氏令使者善為已辭

言若再來召我則當去之齊○程子曰仲尼之門

能不仕大夫之家者閔子騫曾子數人而已謝氏曰

學者能少知內外之分皆可以樂道而忘人之富

况閔子得聖人為之依歸彼其視季氏不義之富

貴不啻犬彘又從而臣之豈其心哉在聖人則有

不然者蓋居亂邦見惡人在聖人則可自聖人以

下剛則必取禍柔則必取辱閔子豈不能早見而

豫待之乎如由也不得其死求也為季氏附益夫

豈其本心哉蓋既無先見之知又無

充亂之才故也然則閔子其賢乎



數畔難治故欲得閔子而用之汶水名在齊南魯  
 北境上閔子自知不能化季氏之惡故對使者使  
 其委曲開陳而寢其召言若再來召我則當去之  
 齊人溫柔則少斷剛毅則不寬古今之通患也而  
 閔子之為人也柔順淵默與物無忤疑乎無剛果  
 决烈之氣然觀其答使者之辭詞確意直毅然不  
 可犯非仁熟義精有勇且直者則不能孔門之諸  
 子愕然以為不可及乃記此以為學者之標準  
 論曰先儒謂仲尼之門能仕大夫之家者閔子  
 魯子數人而已非也蓋君臣之義人之大倫而貴  
 賤之別位之定分也故當論其義不義如何而不  
 可槩以仕大夫為非也孔子曾仕季桓子孔門諸  
 子亦仕大夫之門者有之矣豈可皆以為非耶唯  
 世有自抱道德不為濁世所汙者數子一等而末至聖  
 是也此所以可尚也蓋出于數子一等而末至聖  
 人無可無不可耳故曰道並行而不相悖大德敦  
 化小德川流若夫身出崇處貴隱賤顯高蹈遠引  
 無志於斯世者亦  
 閔子之罪人也

**徵**程子曰仲尼之門能不仕大夫之家者閔子曾  
 子數人而已仁齋先生乃曰不可槩以仕大夫之  
 家為非也然味程子之言豈必以此為非乎蓋仕  
 諸侯者有志於一國之治者也仕大夫者否矣其  
 志瑣瑣焉者也程子乃與其大者已

伯牛有疾子問之自牖執其手曰亾之命矣夫斯人  
 也而有斯疾也斯人也而有斯疾也

**古**馬融曰伯牛弟子冉耕包氏曰牛有惡疾不欲  
 見人故孔子從牖執其手也孔安國曰亾喪也疾  
 甚故持其手曰喪之包氏  
 曰再言之者痛惜之甚  
**前**伯牛孔子弟子姓冉名耕有疾先儒以為癘也  
 南牖也禮病者居北牖下君視之則遷於南牖也



使君得以南面視已時伯牛家以此禮尊孔子  
子不敢當故不入其室而自牖執其手蓋與之  
永訣也命謂天命言此人不應有此疾而今乃有  
之是乃天之所命也然則非其不能謹疾而有以  
致之亦可見矣○侯氏曰伯牛以德行稱  
亞於顏閔故其將死也孔子尤痛惜之  
**伯牛**孔子弟子姓冉名耕有疾者有惡疾也  
牖南牖也朱氏曰禮病者居北牖下君視之則遷  
於南牖下使君得以南面視已時伯牛家以此禮  
尊孔子孔子不敢當故不入其室而自牖執其手  
蓋與之永訣也此孔子惜伯牛之死而言伯牛之  
賢不應有此疾而今乃有之是非其不能謹疾而  
有以致之實天之所命而雖賢者亦所不免  
也則知彼不盡其道而死者皆不可言命也  
**徵**自牖執其手包咸曰牛有惡疾不欲見人故孔  
子從牖執其手也理或然矣然不如朱子以禮斷  
之極確也亾之人多以亾為死之義非也死與亾

異始死曰死既葬曰亾伯牛未死安得遽謂之亾  
也且伯牛未死孔子豈容言其當死乎古註孔曰  
亾喪也疾甚故持其手曰喪之按亾喪也三字孔  
安國之言也疾甚以下何晏不識孔意妄以己意  
解之耳蓋亾訓喪如亾人之亾也非死喪之義矣  
冉子有惡疾不可復用於世如失之然故孔子云  
爾朱註永訣亦失之乃親之也  
子曰賢哉回也一簞食一瓢飲在陋巷人不堪其憂  
回也不改其樂賢哉回也

**樂**孔安國曰簞箒也孔安國曰顏淵  
樂道雖箒食在陋巷不改其所樂



簞竹器食飯也。瓢，瓠也。顏子之貧如此，而處之泰然，不以害其樂。故夫子再言賢哉，同也。以深歎美之。○程子曰：顏子之樂，非樂簞瓢陋巷也。不以貧窶累其心，而改其所樂也。故夫子稱其賢。又曰：簞瓢陋巷，非可樂。蓋自有其樂，爾其字當玩味。自樂處所樂何事？愚按：程子之言，引而不發，蓋欲學者深思而自得之。今亦不敢妄為之說。學者但當從事於博文約禮之誨，以至於欲罷不能而竭其才，則庶乎有以得之矣。

**古義**：簞，筍也。瓢，瓠也。一簞食，一瓢飲。言其至貧也。顏子居不堪憂之地，而能處之泰然，不改其樂，故夫子再言賢哉。同也。以深歎美之。顏子不以貧窶為憂，而能不改其樂，故夫子稱其賢也。夫顏子之樂，固雖不可以言語形容，然外理義而豈別有所謂樂者乎？蓋得於理，則天下無可憂之事，得於義，則天下無可慕之物。苟其如此，則祿之以天下而弗顧繫馬千駟，而弗視亦何貧窶之足憂？先儒苦其難於形容者，亦求之高遠，而不知求之實德，故也。

賜不受命先進篇

伊尹樂堯舜之道，孟子萬章篇樂以忘憂述而篇

淵明歸去來辭

**徵**：顏子不以貧窶累其心，信天命之篤也。它日孔

子與賜不受命對言，可以見已。所謂其樂者，正如

伊尹耕有莘之野，樂堯舜之道。孔子亦曰：發憤忘

食，樂以忘憂。不知老之將至云爾。可見顏子教學

為事，以忘其憂。淵明樂琴書以消憂，亦不其相遠

矣。祇其德相萬，樂亦相萬。要之，皆樂先王之道也。

宋儒所見如達磨不欲惹一物，故以樂道為非是

已。程子曰：其字當玩味。安哉，不改其樂，與不堪其

憂相對。憂者憂貧，豈可拘其字，則不改其樂，亦要

存不改二字耳。



冉求曰非不說子之道力不足也子曰力不足者中道而廢今汝畫

古孔安國曰畫止也力不足者當

新力不足者欲進而不能畫者能進而不欲謂之

改其樂冉求聞之故有是言然使求說夫子稱顏回不

誠如口之說芻豢則必將盡力以求之何患力之

不足哉畫而不進則日退而已矣此冉求之所以局於藝

古義朱氏曰力不足者欲進而不能畫者能進而

不欲謂之畫者如畫地以自限也氣質甚弱者雖

勉勉為之或至於半途而廢是誠力不足者也若

冉求者未必盡力向前只自限畫而不進而已何

所成其材哉論曰聖人之道中庸而已矣高一分

不得卑一分不得猶手持足行目視口食須臾離

焉則不能樂古人悅道不帝如口之於芻豢蓋以

此也冉求之意徒見其高而不知初末當高徒見

其難而不知本無甚難空乎其有止心也公孫

丑曰道則高矣美矣不可幾及亦冉求之見也

**徵**中道而廢者雖廢亦在道之中也廢謂廢業也

子在道之中謂之中道猶如中流中林古言為爾孔

子語意言古之力不足者中道而廢今汝以力不

足自稱是如畫地而不進矣觀於今字則稱古者

審矣表記曰鄉道而行中道而廢忘身之老也不

知年數之不足也俛焉日有孳孳斃而後已蓋人

之力有強弱故聖人不欲強之或作或輟皆從其

力所能然後優游乎先王之道以底其成焉古之

親壽閣

集覽卷之六

十一

觀海閣  
真經卷之六  
十一



可通而大失古言。學者察諸仁齋先生曰：冉求後見道之高遠，而不知中庸之道，故有止心。是以中道為半途，遂以中庸篇之言同觀爾。果使英言之是乎？則孔子何不說中庸之道，使冉求無止心？廼孔子不及仁齋也。拘儒肆口，一至於斯夫。且聞有中庸之德也，未聞有中庸之道也。適見其不知道已。

子謂子夏曰：女為君子儒，毋為小人儒。

古孔安國曰：君子為儒，將以明道；小人為儒，則矜其名。  
新儒學者之稱，程子曰：君子儒為己，小人儒為人。謝氏曰：君子小人之分，義與利之間而已。然所

謂利者，豈必殖貨財之謂？以私滅公，適已自便，凡可以害天理者，皆利也。子夏文學，雖有餘，然意其遠者大者，或昧焉。故夫子語之，以此。

古義：君子小人以言。君子之儒，以天下為己任，而有志于濟物者也。小人之儒，纔取足善其身而已，不能及物也。子夏雖文學有餘，然規模小，故夫子恐其或為小人之儒，故語之。以此。後世記誦詞章之學，益亦小人之儒焉耳。

**徵** 儒字見周禮。廼有文學者之稱。子夏長於文學。孔子欲其所學施諸君子之事，而不欲施於小人

之事也。君子之事者，謂出謀發慮，使其國治民安也。小人之事者，謂徒務籩豆之末，以供有司之役也。戰國時百家並起，儒墨爭衡，而後荀子始以堯

周禮太宰職以九兩繫邦國之道。得民四曰儒。以道本俗六安萬民。四曰聯師儒。

荀子說見儒效篇。



舜禹湯文武為大儒古所無也孔安國明道矜名  
程子為人為己謝氏義利之分皆後世之說也

子游為武城宰子曰女得人焉耳乎曰有澹臺滅明  
者行不由徑非公事未嘗至於偃之室也

古包氏曰武城魯下邑孔安國曰焉耳乎皆辭  
包氏曰澹臺姓滅明名字子羽言其公且方

武城魯下邑澹臺姓滅明名字子羽徑路之小  
而捷者公事如飲射讀法之類不由徑則動必以

正而無見小欲速之意可知非公事不見邑宰則  
其有以自守而無枉已徇人之私可見矣○楊氏

曰為政以人才為先故孔子以得人為問如滅明  
者觀其二事之小而其正大之情可見矣後世有

不由徑者人必以為迂不至其室人必以為簡非  
孔氏之徒其孰能知而取之愚謂持身以滅明為

法則無苟賤之羞取人惑  
子游為法則無邪媚之惑

古武城魯下邑澹臺姓滅明名字子羽武城人  
徑路之小而捷者公事如飲射讀法之類行不由

徑不事智巧也非公事不見邑宰有所自守也揚  
氏曰為政以人才為先故孔子以得人為問如滅

明者觀其二事之小而其正大之情可見矣後世  
有不由徑者人必以為迂不至其室人必以為簡

非孔子之徒其孰能知而取之  
孰能知而取之

說無

子曰孟之反不伐奔而殿將入門策其馬曰非敢後  
也馬不進也

古孔安國曰魯大夫孟之側與齊戰軍大敗不伐  
者不自伐其功馬融曰殿在軍後前曰啓後曰殿

孟之反賢而有勇軍大奔獨在後為殿人迎功之  
不欲獨有其名曰我非敢在後距敵馬不能前進

孟之反魯大夫名側胡氏曰反即莊周所稱孟  
子反者是也伐誇功也奔敗走也軍後曰殿策鞭



也戰敗而還以後為功及奔而殿故以此言自揜其功也事在哀公十一年○謝氏曰人能操無欲上人之心則人欲日消天理日明而凡可以矜己誇人者皆無足道矣然不知學者欲上上之心無時而忘也若孟之反可以為法矣

**古義**孟之反魯大夫名側伐誇功也奔敗走也軍後曰殿戰敗而還以後為功策鞭也之反馬羸而不進故自為殿耳按春秋傳齊師伐魯魯右師奔孟之側後入以為殿抽矢策其馬曰馬不進也蓋恐人以為功故自暴其實也奔而殿人之所美也若人稱之則謙默不言乃可矣之反為人所惡伐其功故恐人以功歸於己先自暴其實益見其出於天性也若使之反實自為殿而又自揜其功則是偽焉耳非直道也聖人必不取焉

仁齋之意已見高中玄說

**徵**孟之反不伐。仁齋先生曰。自暴其實。若使之反實自為殿。而又自揜其功。則是偽焉耳。非直道也。

聖人必不取焉。殊不知不伐者美德。故聖人稱焉。孔子明曰孟之反不伐。不伐云者。有功而不伐也。大禹謨曰。汝惟不伐。天下莫與汝爭功。是禹以不伐見稱。豈得無功乎。仁齋務欲出奇而不知其於一章之中自相矛盾也。

子曰不有祝鮀之佞而有宋朝之美難乎免於今之世矣

**曰**孔安國曰佞口才也祝鮀衛大夫子魚也時世貴之宋朝宋之美人而善淫言當如祝鮀之佞而反如宋朝之美難乎免於今之世害也

**子**有美色言衰世好諛悅色非此難免蓋傷之也



古義祝宗廟之官鮑衛大夫字子魚有口才朝宋公之子有美色此夫子傷時俗之甚衰而不如古之尚德也言衰世好諛悅色非此難免其害蓋時俗之衰雖小其係天下之盛衰大矣況衰之不小者乎故聖人深嘆之

**徵**不有祝鮀之佞而有宋朝之美。孔安國曰當如祝鮀之佞。而反如宋朝之美。朱註以「一不管二有於辭不順不可從矣。其所以不從孔註者。嫌於貴佞也。殊不知孔子言衛靈公所以無道而不喪之故。而取祝鮀可見。朱註之非也。蓋佞古稱口才。未有姦惡之意。觀於雍也仁而不佞。可見已。聖人所以惡之者。以行之不逮也。後世藉聖人惡之。遂以

孔子言憲問篇

稱姦人謂之佞。是後世佞字與孔子時異。而宋儒輩不自覺也。孔門四科稱言語宰我子貢其所尊信。孟子好辨。豈非佞人歟。詳按此章之意。祝鮀宋朝皆衛大夫。是必孔子論衛靈公次及它國之事。其臣無祝鮀之才。而唯有宋朝之美。故孔子論其不免於患難耳。門人所以錄之者。以孔子平日惡佞。而有時乎有是言。故以見聖人道大。不沒人才。其論大非如曲士拘儒之類耳。按美亦主容觀之美。不必主色也。

子曰誰能出不由戶何莫由斯道也



**古**孔安國曰言人立身成功當由道譬由出入要當從戶

**言**人不能出不由戶何故乃不由此道耶怪而歎之之辭○洪氏曰人知出必由戶而不知行必由道非道遠人自遠爾

**古**朱氏曰言人不能出不由戶何故乃不由此道邪怪而歎之之辭道猶大路然由焉則安不由則危遵康莊之平則自忘其勞蹈荆棘之艱則不堪其苦苟知道如大路則孰有肯去其安而就其危者哉故學以知為先而以行為要

**徵**上古穴居而野處後世聖人易之以宮室上棟下宇以待風雨於是乎有戶是戶聖人所作也道亦聖人所立也於戶則由之謂為自然矣於道則不由之謂非自然矣雖然道之不可不由其猶戶

上古穴居四句據易繫辭

乎。

子曰質勝文則野文勝質則史文質彬彬然後君子

**古**包氏曰野如野人言鄙略也包氏曰史者文多而質少包氏曰彬彬文質相半之貌

**野**野人言鄙略也史掌文書多聞習事而誠或不足也彬彬猶班班物相雜而適均之貌言學者當損有餘補不足至於成德則不期然而然矣○

楊氏曰文質不可以相勝然質之勝文猶言其可以受和自可以受采也文勝而至於滅質則其本亡矣雖有文將安施乎然則與其史也寧野

**古**野野人言鄙畧也史史官言文多質少也彬彬文質適均之貌此言質之勝文猶文之勝質其

為病也均矣故非文質彬彬則不足以為君子也蓋文質偏勝本出於氣質使然而不免有野與史之病明學問之熟而後能至於彬彬若徒任氣質則必不能無病也

**文**勝質則史包咸曰史者文多而質少朱註史



先進先進篇  
儉戚八佾篇

掌文書多聞習事而誠或不足也。愚謂文謂禮樂。史掌文書。故朝廷制度。朝會聘問儀節。莫不通曉。而德行不必皆有也。楊氏曰。與其史也。寧野。此睹先進後進儉戚之言而為是言者也。殊不知儉戚就行禮上言之。先進後進及此章以人言之。而此文質彬彬。即先進野人也。大氏君子之所以為君子者。以文苟無文。何足以為君子乎。後世道學先生多徇老莊之說。析精粗而二之。遂謂質本也。文末也。道德本也。禮樂末也。殊不知道無內外焉。無精粗焉。有德行而禮樂不足。即此章野人也。豈不

加我數年述而  
家篇史記孔子世

陋乎。彬彬。說文作份份。按加我數年五十以學易。可以無大過。史記引之。可以無大過。作彬彬也。蓋彬彬乃無過之義。大過過也。小過不及也。故無大過。即無過也。文質彬彬。蓋文質不相過之義。故曰文質適稱貌。

子曰人之生也直罔之生也幸而免

**古**馬融曰。言人所生於世而自終者。以其正直也。包氏曰。誣罔。正直之道。而亦生者是幸而免。

**直**程子曰。生理本直。罔不直也。而亦生者幸而免爾。

**罔**言人而罔之。生在於世也。罔者。謂誣罔。直道也。即斯民也。三代之所以直道而行也。之意。言人之生在乎斯世。雖若姦詐巧偽靡所不至。然人心甚



直善以為善惡以為惡君子以為君子小人以為小人莫非直道也其誣枉直道蔑棄人理者宜其陷于刑戮罹于咎殃而不得生存于斯世也而亦得不死者是幸而獲免耳非當然也

**徵**馬融曰言人所生於世而自終者以其正直也

程子因之曰生理本直是自理學之見安睹所謂生理者乎若謂人之性直非直何以存於天地之間乎猶之可矣雖然何以能睹其理也凡言理如此者皆臆度耳罔之生也幸而免包咸曰誣罔正直之道而亦生者是幸而免是解罔為誣罔正直之道可謂不美辭已程子曰罔不直也是其意謂罔誣罔也罔之生謂罔人者之生也不直之事不

非禮非義

直在其中子路

止一端皆欲誣罔人也故罔訓不直措辭之不善也韓愈筆解直德字之誤古書德作惠為是言人皆有其德中庸所謂夫婦之愚可與知可能行者是也是其所以生存乎天地之間也罔無也言無德也於辭為協何則直不可謂無矣德可謂無矣聞不直也未聞無直也故直字是則罔不可訓無也止可以誣罔解也罔字以誣罔解則罔之生也不成言矣故韓愈為是且孔子曰直在其中矣謂直之不可執也且德者性之德德則有誠誠者謂內外一也後儒所謂直者皆指誠言之後儒所謂

集賢卷之六



免而無恥為政  
本篇知免夫秦  
伯篇

誠者皆指大至誠言之。皆由古言不明而其意雖美乎。未免郢書而燕說耳。且專尚直。豈孔子之意哉。學者察諸免。如免而無恥。免於今之世。知免夫之免。謂免於刑戮也。

子曰知之者不如好之者好之者不如樂之者

包氏曰學問知之者不如好之者篤好之者不如樂之者深也。尹氏曰知之者知有此道也。好之者好而未得也。樂之者有所得而樂之也。○張敬夫曰譬之五穀。知者知其可食者也。好者食而嗜之者也。樂者嗜之而飽者也。知而不能好。好則足。是知之未至也。好之而未及於樂。則是好之未至也。此古之學者所以自強而不息者與。  
**古義**知之者知此道之不可不由也。好之者好之之至。天下之物無以加之也。樂之者心安於道而

無入而不自得也。知之者義理明白。議論可聞。人皆尚之。然不如好之者之終身不衰。愈進愈熟也。好之者雖人皆信之。然不如樂之者之與道為一。而無跡可尋之為至也。夫道一也。唯有所行之生熟深淺耳。夫子言之者。欲其自生至熟。自淺至深也。

**徵**知之好之樂之。尹氏張敬夫盡矣。

子曰中人以上可以語上也。中人以下不可以語上也。

**古**王肅曰。上謂上知之所知也。兩舉中人以上。以其可上可下也。  
**新語**告也。言教人者當隨其高下而告語之。則其言易入。而無躐等之弊也。○張敬夫曰。聖人之則。其精粗雖無二致。但其施教則必因其材而篤焉。蓋中人以下之質。驟而語之。太高非惟不能以入。且將妄意躐等。而有不切於身之弊。亦終於下而已矣。故就其所及而語之。是乃所以使之切明。近思



而漸進於高遠也

**古義** 語告也言告人各因其材聖賢事業非中人以下之所能當也唯當以孝弟忠信威儀禮節告

之耳此專為教人者而發人之才質自有高下各隨其量而告語之則言者既不失言而聽者亦有

所得若夫子答顏冉之問顏冉便對曰請事斯語是也若夫中人以下之質遽以聖賢事業告之則

必有泛然不切之患而無益於其身也故君子之教也有勸而無抑有導而無強各隨其材而導之

亦非謂中人以上者則必不語上也

**徵** 王肅曰上謂上知之所知也兩舉中人以其可上可下盡矣道莫有上下故今此所謂上乃謂上

智之所知也後世此章之義不明故理學興而欲

窺聖人之心又聒之一切務欲開民知竇聖人之

道則不然示諸行事待其自喻方其不喻雖聒之

何以能知乎不自喻而得諸耳均之不喻已故聖

人不強人以其知之所不及也

樊遲問子曰務民之義敬鬼神而遠之可謂知矣

問仁曰仁者先難而後獲可謂仁矣

**古** 王肅曰務所以化道民之義包氏曰敬鬼神而

不黷孔安國曰先勞苦而後得功此所以為仁

**新** 民亦人也獲謂得也專用功於人道之所宜而

不惑於鬼神之不可知者之事也先其事之所

難而後告之○程子曰人多信鬼神惑也而因樊遲之

失而告之○程子曰人多信鬼神惑也而因樊遲之

又所不能敬先而敬遠可謂知矣又曰先難克己也

不求所難知力行

所不知不憚所難為



藏當作渺古義  
行本恐誤

**古義**敬者不侮慢之謂遠者不褻黷之意傳用力於人道之所當為而不求媚於鬼神之不可知知之至也一得也急事之難為而不責其報仁者之心也務人之義知之至而得其實者也敬鬼神而遠之能用其知而不惑者也若夫棄日用當務之事而用力於滄茫不可知之地者豈可謂知哉先難而後獲則有為人之實心而其德不可量也苟有求其報之心而為之則雖天下之大勲勞亦非德也豈可謂仁哉夫子不泛論仁之德而必言仁者者蓋以仁之為德難以空言喻故舉仁者之心而答之也凡言仁者諸章倣此

**徵**務民之義王肅曰務所以化道民之義得之但化道二字未切耳朱註民亦人也專用力於人道之所宜是訓民為人訓義為宜昧乎古言而恣作訓解從己所好可謂亂道矣禮與義古聖人所建

以禮制心以義制事書仲虺之詩書義之府也左傳倍二十七

顯頊命重黎見書呂刑及楚語

道之大端也故此二者每對言如以禮制心以義制事是也禮在經典義存詩書故曰詩書義之府也仁義禮智之說興而或以為德或以為性孔子以前所無也仁智德也存乎人焉禮義道也作乎聖焉民之義者義有種種此謂其施諸治民者也訓民為人其謬起自大學親民而義訓宜借以明其意者也豈可直易以宜乎可謂妄已敬鬼神而遠之包咸曰敬鬼神而不黷得之蓋人鼻而鬼神尊故敬之幽明隔故遠之顯頊命重黎絕地天通謂不黷也如祀父母之神建廟安厝之祭必齋



或謂指入全或人之問

幽明之故易繫辭

為之難顏淵篇

先事後得顏淵篇

孟子公孫丑篇

腥體薦不以人飲。飲食祭器殊燕器類。所以遠之也。或謂鬼神正者敬之。不正者遠之。殊不知凡經所謂鬼神。皆謂正者也。朱註不惑於鬼神之不可知。如亡害然。然宋儒所見。歸於無鬼神。凡言無鬼神者。不知聖人之道者也。此章之旨。明於天人之分。達於幽明之故。故孔子曰。可謂知矣。先難而後獲。孔安國曰。先勞苦而後得功。得之。它日孔子曰。為之難。故此謂為仁而曰難。獲者得其報也。記曰。用其仁而去其欲。故欲獲其利而為仁。非君子所貴矣。朱註後其効之所得。此本於先事後得。然

所謂得者。亦謂得報也。朱子加以効字。乃孟子勿助長勿正之說。道學先盛。動曰功夫。功夫一如道士鍊丹。故有此等之言。豈孔門之舊乎。學者察諸

子曰知者樂水。仁者樂山。知者動。仁者靜。知者樂。仁者壽。

包氏曰。知者樂。運其才。知以治世。如水流而不知己仁者。樂如山之安固。自然不動。而萬物生焉。知者自役。得其志。故樂。包氏曰。無欲故靜。鄭玄曰。樂喜好也。知者達於事理。而周流無滯。有似於水。故樂水。仁者安於義理。而厚重不遷。有似於山。故樂山。動靜以體言。樂壽以効言也。動而不括。故樂靜。而常故壽。程子曰。非體仁知之深者。不能如此。

規壽

規壽

規壽



**古義** 樂喜好也。樂水樂山以其趣而言動靜以才而平。樂壽以其效而言水之為物周流無滯盈而能平。智者樂之可以見仁。智之趣矣。疏通不滯動焉。故仁者樂之可以見仁。智之趣矣。疏通不滯動之機也。安固有常靜之體也。可以知仁智之才矣。無所迷苦。故樂無所成。害故壽可以驗仁智之效矣。仲尼亟稱水曰水哉水哉。詩曰高山仰止。景行行止。可以見樂水樂山之端也。然此徒以智者

德名之也至矣

**徵** 知者樂水。仁者樂山。此二句非孔子時辭氣。蓋古言也。而孔子誦之。下四句乃孔子釋之也。蓋孔子多誦古之法言。故孝經曰非先王之法言不敢道也。古書不傳者多。而後儒昧乎文辭。槩以為孔

孝經已見

易繫辭

子之言非矣。樂山樂水。知者樂。皆音洛。朱註上二字並五教反。古無此音。如牛山之樂。豈非音洛邪。仁知之於山水。與我心會。欣然以樂。故音洛為是水動山靜。樂如水之流。壽如山之不崩。豈非釋之之言邪。古註。知者樂。運其才。知以治世。如水流而不知己。仁者樂如山之安固。自然不動。而萬物生焉。勝朱註萬萬。易大傳曰。知周乎萬物。而道濟天下。故不過。旁行而不流。樂天知命。故不憂。安土敦乎仁。故能愛。與此章之義互相發焉。朱註達於事理。安於義理。帖於理。可醜之甚。



子曰齊魯變至於魯魯變至於道

**古**包氏言齊魯有太公周公之餘化大公大賢  
 周公聖人今其政教雖衰若有明君興之齊可使  
 如魯魯可使如齊  
 大道行之時  
**魯**孔子之時齊俗急功利喜誇詐乃霸政之餘習  
 魯則重禮教崇信義猶有先王之遺風焉但人亡  
 政息不能無廢墜爾道則先王之道有難易○程子曰夫  
 政俗有美惡故其變而之道有難易○程子曰夫  
 子之時齊強魯弱執不以爲齊勝魯也然魯猶存  
 周公之法齊由桓公之霸爲從簡尚功之治大  
 公之遺法變易盡矣故一變乃能至魯魯則脩舉  
 廢墜而已一變則至於先王之道也愚謂二國之  
 俗唯夫子爲能變之而不得試然因其言  
 以考之則其施爲緩急之序亦畧可見矣  
**古義**一變謂其易也道則先王之道也此爲魯而  
 發也夫子之時諸夏衰亂皆無可論唯齊由桓公  
 之霸政治修明非諸夏之比故一變便能至於魯  
 而魯發政施仁則便能至於道蓋言化之漸也論

曰強之勝弱人皆知之而禮樂之優於政刑則人  
 未之知也當斯時齊強魯弱孰不以爲齊勝魯也  
 哉然自聖人見之魯雖弱尚能守先王之法非齊  
 之所能及也況強多暴而弱多德強者易折而弱  
 者堪久齊至於簡公而田氏代之魯雖衰亂猶能  
 保其國是其明效也惟仁能持強惟智能拯弱若  
 仁以爲治智以御之田氏不能篡齊魯必爲政於天下也惜哉  
**徵**魯一變至於道古註魯可使如大道行之時可  
 謂明白朱註至於先王之道殊爲不通

子曰觚不觚哉觚哉

**古**馬融曰觚禮器一升曰爵二升曰觥  
 觚哉言非觥也或以喻爲政不得其道則不成  
**新**觥者或曰酒器或曰木簡皆器之有稜者也  
 不觥者或曰酒器或曰木簡皆器之有稜者也  
 不得意而觥也○程子曰觥而失其形制則非觥也  
 舉一器而天下之物莫不皆然故君而失其君也



道則為不君臣而失其臣之職則為虛位也  
氏曰人而不仁則非人國而不治則不國矣  
古義觚也酒器之有稜者一升曰爵三升曰觥  
朱氏曰不觚者蓋當時失其制而不為稜也觥哉  
觥哉言不得為觥也洪氏慶善曰古者獻以爵而  
酌以觥此夫子因獻酌之際有所感也程子曰觥  
而失其形制則非觥也舉一器而天下之物莫不  
皆然故君而失其君之道則為不君臣而失其臣  
之職則為虛位愚謂由此言之凡學而不本德則  
非學行而不由仁則非行人而失所以為人則非  
人可不慎哉

升庵文集四書

**徵**觚非木簡。以觥為簡。起于秦漢以後。升庵辨之  
 是矣。祇升庵引破觥為圓。而謂變其形制。恐非矣。  
 蓋時俗涵于酒。而獻酬之禮不可廢焉。故大其觥  
 以適其量。是觥之所以不觥也。蓋春秋之時。先王

之禮尚存。而凡百器物。皆遵用古制。觀於左傳諸  
 書。可以見已。故不可遽易其制。乃仍舊制而大之。  
 勢之所至也。秦漢以後。衣服器物。皆無法制。人任  
 意為之。而新奇日出。則何必用舊制與舊名乎。儒  
 者生於其世。而不知三代時禮之囿世者。若是其  
 久也。故謂變其形制。豈不粗乎。馬融曰。觥。禮器。一  
 升曰爵。二升曰觥。邢昺疏引韓詩說。一升曰爵。爵  
 盡也。足也。二升曰觥。觥寡也。飲當寡少。三升曰觥。  
 觥適也。飲當自適也。四升曰角。角觸也。不能自適。  
 觸罪過也。五升曰散。散訕也。飲不自節。為人謗也。



總名曰爵。其實曰觴。觴者餉也。觥亦五升。所以罰不敬。觥。廓也。所以著明之貌。君子有過。廓然著明。非所以餉。不得名觴。今以日本之量求。爵受八勺。九觚受二合七勺。八觶受二合六勺。七角受三合六勺。弱散與觥受四合五勺。弱則古今人酒量亦不甚相遠矣。聊附記。

宰我問曰：仁者雖告之曰：井有仁焉，其從之也。子曰：何為其然也？君子可逝也，不可陷也；可欺也，不可罔也。

古孔安國曰：宰我以仁者必濟人於患難，故問有仁人墮井，將自投下，從而出之，不乎欲極觀仁者

憂樂之所至。孔安國曰：逝，往也。言君子可使往，不可罔者，不可得。從之，馬融曰：可欺者，可使往也。不可罔者，不可得。下。仁者之仁，當作人。今從之，從謂隨之。於井而救之也。宰我信道不篤，而憂為仁之陷害。故有此問。逝，謂使之往。陷，謂陷之於井。欺，謂誑之。乃此可以救井中之人。若從之於井，則不能救之矣。此理甚明。人所易曉。仁者雖切於救人，而不私其身，然不應。士豈吹九乎？言蓋有劍。此也。如朱氏曰：有仁之仁，當從人。從謂隨之。於井而救之也。逝，謂使之往。救，謂從之。於井也。罔，猶羅網。謂欺其身，不知也。幸我意以為仁者，急於救人，而於倉卒而不得。為問曰：若人之陷於井，中是事出於自投井而救之乎？夫子告之，以仁者不辨其有無，先自投其身而後救之。燭理之先，自明其道而後定謀，雖愛物之切而亦不燭理之先，自明其道而後定謀，雖



無陷罔之患矣。然孔門諸子無徒問者。若問是事則必欲為是事。若宰我之問是也。其意蓋欲捨生以求仁。夫子為之救藥。則必將為燒身禱犬。昇割肉飼餓虎之事。此在宰我實切問也。

**微**宰我井仁之問。慮孔子陷於禍。而以微言諷之也。古註新註其義甚淺無味。宰我之智豈不知之。宰我稱能言之士。豈如此乎。仁者暗指孔子也。井有仁焉。不必改作人。古註以井有仁焉之仁。解為仁人。與仁者相犯。不可從矣。又曰。問有仁人墮井。將自投下。從而出之。不乎。是改也。作乎。失於牽強。不可從矣。井有仁焉。假設之言。蓋言險難之中。有可為仁之事也。宰我意孔子仁心之切。雖或人告

孟子萬章篇

之而曰。險難之中。有可為仁之事。亦必將從之矣。孔子知宰我微意所在。故承之以君子。若使宰我明言其事。則孔子必承之以丘也。若使宰我泛問仁人。則孔子亦當承之以仁人。今宰我問以仁者。而孔子答以君子。故知宰我諷孔子也。可逝也不可陷也者。據井有仁言之。可欺也不可罔也者。言其所以然之故也。孟子曰。故君子可欺以其方。難罔以非其道。蓋未註所本。蓋罔者。誰之使其迷惑也。君子不逆詐。故可欺也。有所守。故不可罔也。書此以安宰我之心也。大抵後人以宰我有短喪書

見壽

集覽卷之二

三十一



寢之失。故視之甚卑。遂不深味其言耳。果使其說之是乎。作論語者。當刪前數句。止曰。君子可欺也。不可罔也。

子曰君子博學於文。約之以禮。亦可以弗畔矣夫。

**古**鄭玄曰弗畔不違道

**新**約要也。畔背也。君子學欲其博。故於文無不考。守欲其要。故其動必以禮。如此則可以不背於道矣。○程子曰。博學於文而不約之。以禮必至於汗漫博學矣。又能守禮而由於規矩。則亦可以不畔矣。

**道**矣。

**古義**文者先王之遺文。道之所在。非平生見聞之類。故言博學也。約束也。博文以知。而言約禮以行。而言畔背也。此孔門學問之定法也。蓋博學於文。則識達古今。而事有所稽。約之以禮。則身由規矩。

而動有所遵。皆以有所取法。故可以弗背道矣。夫世之譚道者。自以為至言。而實不免為詖淫邪遁之流。自以為為妙道。而實不免有捕風捉影之病者。皆無博文約禮之功。而徒師己心也。故聖人教人以博文約禮為學問之定法。若夫今之所謂博學者。皆雜家者流。之學而非聖門所謂博學者也。蓋博學一木。故愈博愈達。雜學二本。故愈岐愈紊。學者審諸論曰。三代聖人。屢以中為言。而至於吾夫子。則特以禮為教。觀此及克己復禮章。可見矣。蓋中有泛然難據之患。而禮有秩然可執之則。故在三代聖人。則言中可矣。教學者。則非禮不可也。

**徵**文者。詩書禮樂也。先王之道大矣。非博學之則不能知之也。約之者。納諸身也。欲納先王之道而納之其身。則非禮不能。故曰以禮。或疑文為詩書禮樂。則禮已在文中矣。故或以文書解之。殊不知



禮與其奢八佾  
五禮周禮大宗  
伯據於德述而篇  
六德周禮大司  
徒泛愛衆學而篇

佛昉畔陽貨篇

詩書禮樂皆載於策。孔子而前無有也。蓋博學詩書禮樂而約之身特在禮。禮即詩書禮樂之禮。非有二也。它如禮與其奢也。寧儉。喪與其易也。寧戚。喪亦吉凶軍賓嘉之一。據於德。依於仁。仁亦六德之一。泛愛衆而親仁。仁亦衆中之一人。古言率如是。後人必欲判然相對。皆不知古言之失也。舊註約訓要。以學文為考索。淺哉。且昧乎字義者矣。畔叛同。如佛昉以中牟畔之畔。言或學之不博。或不約於禮。其弊皆必至畔於先王之道而從邪說也。蓋孔子時。雖無諸子百家。亦有其漸已。仁齋先生

樂正四術禮記  
王制

曰。三代聖人屢以中為言。而至於吾夫子。則特以禮為教。殊不知樂正崇四術。立四教。順先王詩書禮樂以造士。是孔子以前已然。且中自中。禮自禮。豈可混乎。彼惑宋儒之說。而以為中與禮一理。妄哉。

子見南子。子路不說。夫子矢之曰。予所否者。天厭之。天厭之。

**百**孔安國曰。舊以有子者。衛靈公夫人淫亂而靈公惑之。孔子見之者。欲因以說靈公。使行治道。矢誓也。子路不說。故夫子誓之。行道既非婦人之事。而弟子不說。與之呪誓。義可疑焉。  
**斷**南子衛靈公之夫人。有淫行。孔子至衛。南子請見。孔子辭謝不得已。而見之。蓋古者仕於其國。有



見其小君之禮而子路以夫子見此淫亂之人為辱故不悅矢誓也。所誓辭也。如云所不與崔慶者之類。否謂不合於禮不由其道也。厭棄絕也。聖人道大德全無不可。其見惡人固謂在我有可見之禮。則彼之不善。我何與焉。然此豈子路所能測哉。故重言以誓之。欲其姑信此而深思以得之也。**古義**南子衛靈公夫人有淫行。孔子至衛南子請見。子路以夫子見此淫亂之人為辱。故不悅矢誓也。否不通謂不由於道也。厭棄之。以子路氣粗見褊其所不合於道者。則天厭棄之。而思得之也。按史言難入。故與之矢言。欲姑信此。而思得之也。按史記孔子至衛靈公夫人南子使人謂孔子曰。四方之君子請見。亦其善意。而非徒請者。故夫子見之。夫南子請見。亦其善意。而非徒請者。故夫子見之。夫雖惡人有悔。非改過之心。則在我無不可見之理。若以其嘗為惡。而卒拒絕焉。則是道自我絕者。而非仁者之本心也。聖人道大德宏。猶天地包涵萬物。自無所遺。何於南子而推之乎哉。門人記之者。蓋欲要求聖人之心也。道者當知聖人之心也。

**徵**子見南子。子路不說。孔子矢之。其義不傳。自孔

安國時既已疑之。朱子援禮為斷甚善。仁齋乃曰。

雖惡人有悔。非改過之心。則在我無不可見之理。

殊不知段使有悔。過改非之心。而在在我無可見之

禮。則不可見之矣。傳曰。先王制禮。不敢不至焉。此

一事。其於今可見者止是矣。按蒯聵以南子故而

失靈公之心以奔。出公乃嗣位。衛於是乎亂。子路

事出公而不悅。孔子所為。豈孔子之見南子。在出

公之時。而南子如呂后邪。孔子見之。蒯聵出公父

子之際。或協乎。方是時。衛亂而臣不相疑。子路之

傳曰禮記檀弓



訓矢為陳皇疏  
蔡謨及知新日  
錄袁了凡說

不悅豈慮蒯瞶之反國邦則孔子失之不亦宜哉  
豈翅以安子路哉亦將取信於國人也誓之道皆  
然不爾使其在靈柩時孔子能化南子亦不過一  
婦人亦佛化韋提希耳是何益也雖然此事當時  
高第弟子如子路者猶尚不能知孔子之心何況  
千載之下乎仁齋削朱子援禮之解而妄爾云云  
可醜後世又有訓矢為陳者是諱誓而曲為之解  
已觀孔子之答其為誓者審矣

子曰中庸之為德也其至矣乎民鮮久矣

中庸常也中和可常行之德世亂先王之道廢民鮮能行此道久矣非適今

新中者無過不及之名也庸平常也至極也鮮少也言民少此德今已久矣○程子曰不偏之謂中不易之謂庸中者天下之正道庸者天下之定理自世教衰民不興於行少有此德久矣  
**古義**中庸之德謂無過不及而平常可行之道也至極也三代聖人所謂中者不過處事得當之意至夫子加庸字則為不駭耳目不拂時俗萬世不易之常道其意更別中庸之德天下至難也世之論道者或以高為至或以難為極然高者可以氣而難者可以力而能皆有所倚而然唯中庸之德平易從容不可以力而能皆有所倚而然唯中庸之德所以鮮能也蓋唐虞三代之盛民朴俗淳無所矯揉而莫不自合於道父子兄弟弟夫夫婦婦自無行異術相接於耳目之間者所謂中庸之德也至于後世則求道於遠求事於難愈遠欲補反破故曰民鮮久矣故夫子特建中庸之道以為斯民之極論語之書所以為最上至極宇宙第一之書者實以此也

**徵**中庸者樂德也周禮樂六德孝友祗庸中和

周禮大同樂



書以六言者。皆兩兩相對。孝友一類。祇庸一類。和一類。祇謂用之鬼神。故敬之。庸用也。謂用之民。乃可常用者。故有平常之義。康誥有庸庸祇祇。可見祇庸相對已。就六德取二者而曰中庸。亦必古言。仁齋先生以為孔子所創。蓋非也。中有二義。人受天地之中以生。謂不偏也。舜用其中於民。謂無過不及也。朱子解本此。不偏與無過不及。在古歸於一義。段如王都在中。東西南北道途均。而易可至。是不偏有易行之義。如賢者俯而就之。不肖企而及之。是無過不及。亦有易行之義。故合不偏無

舜用其中中庸

賢者俯而就之  
已見

過不及二義。皆謂不甚高而易行也。故中庸上字。乃謂人人可常用易行。而非甚高難及之德行也。如世所謂其才不及中庸。及中庸之主。可以見已。至於朱註所言。亦極其精者。非無是理。然精之又精。以究其極。則有貴精賤粗之失。而不自覺其畔中庸者矣。如庸為不易。亦唯贊之云爾。有何不可。若以不易求庸。則大失字義焉。究其所以謬之由。則本於子思之書。以此形老莊之奇僻。然子思亦以德行之言。由中庸之德行。可以馴致仁聖之德。是登高自卑之意。祇後人睹其以形老莊之



僻遂以中庸為道。動以命聖人之道耳。豈不謬也。聖人之道更有廣大焉者。有精微焉者。有高明焉者。故以中庸為道者非也。然孔子以此為德之至者。蓋先王之道治天下之道也。天下之大。賢知常鮮。而愚不肖常眾。故非不甚高而易行之事。則無如愚不肖何矣。故唯中庸之德而天下可得而一之。是其所以為至也。君子由中庸以馴致仁聖之德。小人則唯由之而已矣。故此特以民言之。所以民鮮久矣者。禮樂教廢而風俗壞故也。鮮謂鮮其人也。子思書作鮮能。仁齋先生從之。易大傳曰。君子

之道鮮矣。可見古言自殊也。何必中庸為是。仁齋先生又以為民不能久守。故為德之至者。果其言之是乎。中庸之為至德。乃為其難行也。豈不謬乎。子貢曰。如有博施於民而能濟眾。何如。可謂仁乎。子曰。何事於仁。必也聖乎。堯舜其猶病諸。夫仁者。己欲立而立人。己欲達而達人。能近取譬。可謂仁之方也已。

**古**孔安國曰。君能廣施恩惠。濟民於患難。堯舜至聖。猶病其難。孔安國曰。更為子貢說仁者之行方道也。但能近取譬於己。皆怨己所欲而施之於人。  
**新**博廣也。仁以理言。通乎上下。聖以地言。則造其極之名也。乎者疑而未定之辭。病心有所不足。



言此何止於仁必也聖人能之乎則雖鬼舜之  
其心猶有所不足於此也以是求仁愈難而愈遠  
矣以已及人仁者之心也於此觀之可以見天理  
之周流而無間矣狀仁之體莫切於此譬喻也方  
術是也近取諸身以己所欲譬之他人知其所欲亦  
猶是也然後推其所欲以及於人則怨之事而仁  
之術也於此勉焉則有以勝其人欲之私而全其  
天理之公矣○程子曰醫書以手足痿痺為不仁  
此言最善名狀仁者不至若天地萬物為一體莫非  
也認得為己何所不至若不屬己自與己不相干  
如手足之不用仁氣已不貫皆不屬己故博施濟眾  
乃聖人之功用仁至難言故止曰己欲立而立人  
己欲達而達人能近取譬可謂仁之方也已欲令  
如是觀仁可以得仁之體又曰論語言堯舜其猶  
病諸者二夫博施者豈非聖人之心非不欲然必五十  
乃衣帛七十乃食肉聖人之所欲然少者亦衣  
帛食肉也顧其養有所不贍爾此病其施之不博  
也濟眾者豈非聖人之所欲然治不過九州聖人  
非不欲四海之外亦兼濟也顧其治有所不及兩  
此病其濟之不眾也推此以求修己以安百姓則

為病可知苟以吾治已足則便不是聖人呂氏曰  
子貢有志於仁徒事高遠未知其方孔子教以於  
己取之庶近而可入是乃為仁  
之方雖博施濟眾亦由此進

**古義**博廣也事與止通言此何止於仁必聖人在  
位者而後能之乎然雖堯舜之聖其心猶有病其  
難也譬喻也方術也言仁者視人猶己己欲立而  
先立人已欲達而先達人故求仁者能近取諸身  
而己所欲譬之他人則他人之所欲亦猶己之  
所欲情志相通慈愛及物無有間隔求仁之術莫  
近於此茲愛之心無所不至之謂仁至誠之德無  
所不達之謂聖蓋聖大而化之謂而仁者聖中之  
大德也故子貢曰仁且智夫子既聖中庸曰誠者  
非自成己而已也所以成物也成己仁也成物知  
也夫仁者己欲立而先立己欲達而先達人若  
欲俟己之既立既達而後立人則卒無立人若  
達人之日何則己之情願未易遽遂而施人之方  
隨力所及非舍己而徇人也子貢徒見仁之大而  
不識其實故以在上聖人之事當之而不察在  
今日之切所以夫子以能近取譬為之求仁在



方可謂明  
且盡矣

孔子又曰述而  
篇

**徵**朱子曰。仁以理言。通乎上下。聖以地言。則造其  
極之名也。此昧乎字義。下文明曰仁者。孔子又曰。  
若聖與仁。則吾豈敢。可見仁為仁人。聖為聖人。聖  
人作者。有聰明睿知之德。豈仁人之所能及哉。故  
開國之君。如堯舜禹湯文武。是為聖人。繼世之君  
及臣。雖有至德。不得稱聖人。故孔子以仁誨人。他  
所以稱孔子為聖人者。其德與業。可以比諸作者  
之聖也。夫仁人可學而能焉。如聖人聰明睿知之  
德。稟諸天。豈可學乎。自孟子以伯夷柳下惠為聖

孟子萬章篇

人而後。遂失其義焉。宋儒之學。專主天理。人欲其  
意。以人欲淨盡。天理流行為仁。又以造極處為聖  
人。則仁聖無別。故以仁為通乎上下。可謂窘己。



論語徵集覽卷之六終

終

大...

人傾... 聖無... 以... 萬... 平... 土... 不... 可... 隨... 處... 已...

Vertical columns of text in the main body of the page, mostly illegible due to fading and damage.



